

Apirilaren 5ean
JAUNAREN NEKALDIKO ERRAMU IGANDEA

Agurra

Aitaren eta Semearen, eta Espiritu Santuaren izenean. R/. Amen.

Jauna zuekin. R/. Eta zure espirituarekin.

Sarrerako oharpena (*Batzarburuak berak*)

Senide maiteok: Garizumako aldi honetan bihotza prestatzen aritu gara penitentziaz eta maitasun-egintzez. Hurbil dugu Pazko-jaia. Jaunaren pazko-misterioari, hau da, haren nekaldiaren eta piztueraren misterioari, Eliza osoarekin bat eginik hasiera emateko ospakizuna egitera bildu gara gaur. Misterio hori betetzeko sartu zen Jauna Jerusalemgo hiri santuan. Ospa dezagun, beraz, fedez eta maitasunez, gu salbatzeko egin zuen sarrera horren oroitzapena, eta jarrai diezaiogun geure Jaunari, grazia lagun dugula haren gurutzean bat eginda, haren piztueran eta bizian ere bat egin dezagun.

Gaur gainera, Gipuzkoako Eliza guztietan, Caritasek gogora ekartzen dizkiogun behartsuen premiak gogoan izango ditugu eta horretarako emango dugu gure diru-laguntza eskuzabala.

Bedeinkapen otoitza

Ondoren eskuak bildurik otoitz hauetako bat egingo du.

**Jainko ahalguztidun betierekoa,
 bedeinka itzazu + erramu-adar hauek;
 eta egizu, Kristo Erregeari
 goraka eta kantari jarraitzen diogunok,
 haren bidez betiko Jerusalem-era heldu gaitzela.
 Errege bizi baita gizaldi eta gizaldietan.**

Edota:

**Oi Jainko, indar ezazu Zugan uste on dutenen fedea
eta entzun bihotz onez gure otoitzak:
gaur Kristo garailea erramu-adarrekin gorai patzen dugunok,
berarekin bat eginik, egintza onen fruituak eman ditzagun.
Errege bizi baita gizaldi eta gizaldietan.**

Erramuak ur bedeinkatuz zirtatuko ditu isilik. Ondoren (intsentsua erabiltzen bada liburua lurrinduz) Ebanjelioa hots egingo du.

Ebanjelioa

+ Jesu Kristoren Ebanjelioa San Mateoren liburutik (21, 1-11)

Jerusalemera hurbildu zirenean, Oliamendi ondoko Betfage herrixkara iritsirik, bi ikasle bidali zituen Jesusek, esanez: «Zoazte aurreko herrixka horretara; berehala asteme bat aurkituko duzue lotua, eta astakume bat harekin; askatu eta ekarri Niri. Eta inork ezer esaten badizue, erantzun: “Jaunak behar ditu, baina berehala itzuliko ditu”».

Hori gertatu zen Jainkoak profetaren bidez esana bete zedin: «Esan Sion hiriarri: “Hara, badatorkizu zeure erregea, apal eta asteme baten gainean, zamari baten kumearen gainean”».

Joan ziren, bada, ikasleak eta Jesusek agindu bezala egin zuten; ekarri zituzten astoa eta astakumea, eta beren jan tziak bizkarrean ezarri zizkieten, eta Jesus gainean eseri zen. Jende askok bere jantziak zabaldu zizkion bidean; beste batzuek, berriz, zuhaitzei adarrak moztu eta bidean hedatzen zituzten. Aurretik eta ondotik zihoan jendeak honela zioen oihuka: «Hosanna Daviden semeari! Bedeinkatua Jaunaren izenean datorrena! Hosanna Goi-goikoari!»

Jesus Jerusalemen sartu zenean, hiri osoak, harriturik, galdetzen zuen: «Nor dugu hau?» Jendeak erantzuten zuen: «Hau Jesus profeta da, Galileako Nazaretekoa».

Prozesioa

Ohargileak prozesiorako gonbidapena egin dezake hitz hauekin:

Erramu-adarrak eskuetan ditugula, Jesus goretsi zuen jendearen antzera, lagun diezaiogun guk ere Jaunari, pozez kantari.

Damu-otoitza

Prozesiorik eta Sarrera Nagusirik egin ez denean bakarrik. Herria agurtu eta Damu-otoitza egingo da, eta ondoren kolekta-otoitza.

«Pazko festaburua baino sei egun lehenago, Jauna Jerusalem sartzean, bidera atera zitzaizkion haurtxoak, palmadarrak eskuetan zituztela eta pozez oihuka: Hosanna zero goienetan! Bedeinkatua Zu, erruki handiz gugana zatozen Hori!».

Jo dezagun guk ere Jaunarengana, eta eska diezaiogun Bere errukiz berri gaitzala Aste Santuaren hasiera honetan.

- Jesus Jauna, bekaturik izan ez arren geure bekatuen zama hartu zenuena: erruki, Jauna.
- Jesus Jauna, gure bekatuen barkamenarako gurutzean odola isuri zenuena: Kristo, erruki.
- Jesus Jauna, hilen artetik piztuz heriotza garaitu zenuena: Erruki, Jauna.

Erruki dakigula Jainko guztiz ahaltsua, eta, gure bekatuak barkaturik, eraman gaitzala betiko bizira.

Otoitza

Aldarera iritsi eta agurtu ondoren, jarlekura joango da eta otoitza esango du:

**Jainko ahalguztidun betierekoa,
gizon-emakume guztiei apaltasun-bidea erakusteko,
gure Salbatzailea, giza haragia harturik,
gurutzean hiltzea nahi izan zenuen;
egizu, arren, har ditzagula gogoan
haren nekaldiko irakaspenak,
haren piztueran parte izan dezagun.
Zurekin eta Espiritu Santuarekin batean
Jainko eta errege bizi baita gizaldi eta gizaldietan.**

Hitzaren liturgiari oharpena

Bizia ematen dakien Jainkoaren irakaspenak gure itxaropena arnasberritzen du. Beheratzen dakiena gertatuko da gizadiaren altxagarri eta heriotzatik piztuerara igarotzeko bide. Bera hitzak sendotzen gaitu.

Lehenengo irakurgaia (Is 50, 4-7)

Isaias profetaren liburutik

Ikasi baten mihia eman dit nire Jaunak, hitz bizkorgarria eman diezaiedan nekatuei; belarria esnatzen dit goizero, ikasiek bezala entzun dezadan. Jaunak belarria ireki dit, eta nik ez diot gogorrik egin; ez dut atzera egin. Bizkarra ipini diet, jotzen nindutenei; masaila, bizarretik tiraka ari zitzaizkidanei. Ez diet aurpegia saihestu irainei eta listuei. Nire Jauna nuen laguntzaile; horregatik ez nintzen lotsatu; horregatik ipini nuen aurpegia, harri gogor bezala; eta badakit ez naizela lotsagarri gertatuko.

Erantzun-salmoa (*Sal* 18, 8-9. 10-11)

Ni - re Jain-ko - a, nun zau - de Zu? No -la es-ku-
tik u - tzi nau - zu.

Ikusten nautenak honela ari zaizkit barreka,
ezpain-keinu eta buru-eraginka:
«Jaunagan du uste on, salba beza;
maite badu, onik atera a beza.» R/.

Zakur-taldeak nauka inguraturik,
gaizkile-sailak erdian harturik.
Esku-oinak zulatu dizkidate,
hezur guztiak bat-bana ditzaket. R/.

Nire jantziak berentzat banatzen dituzte,
nire soinekoa zotz egiten dute.
Zu, ordea, Jauna, ez egon urrun,
Zu, nire indar, zatozkit azkar nire lagun. R/.

Neure senideei zure izena diet iragarriko, '
batzarraren erdian zaitut goretsiko:
«Goretsazue Jauna, beldur diozuenok,
Jakoben seme-alaba guztiok, ospa ezazue,
izan Haren beldur, Israelen seme-alaba guztiok.» R/.

Bigarren irakurgaia (*Flp 2, 6-11*)

San Paulo Apostoluak Filipotarrei

Kristo Jesusek, Jainkoaren izaera bereko izanik, ez zion gogor eutsi Jainkoarekin berdin izateari; bestela baizik, bereaz hustu egin zen, morroi izaera hartuz, eta beste edozein bezala azalduz. Eta gizon bezala agerturik, apaldu egin zuen bere burua, menpeko eginez heriotzaraino, gurutzeko heriotzaraino. Horregatik Jainkoak goratu egin zuen, eta izen guztien gaineko izena eman zion, Jesusen izenera belaun guztiak makur daitezen, zeruan, lurpean eta lurpean, eta mihi guztiek aitortu dezaten: Jesu Kristo, Jauna da, Aita Jainkoaren aintzarako.

Ebanjelio-aurreko gorapena (*Ik. Flp 2, 8-9*)

Je - su-kris- to gu - ri min-tza, ar - gi gu-re bi-ho- tza.

Kristo gugatik menpeko egin zen heriotzaraino,
gurutzeko heriotzaraino.

Horregatik Jainkoak goratu egin zuen,
eta izen guztien gaineko izena eman zion. R/.

Ebanjelioa (*Mt 26, 14 – 27, 66*)**Homiliarako argibideak**

Gora Daviden semea!

Gutxi dira arrakasta eta garaipena baztertzen dutenak. Jende askoren “idolo” direnak igarotzen den izar izan ohi dira, aldi baterako aintza bizi dutenak. Jesusi jarraitzen zion jendaldeak

errege izendatu nahi izan zuen zenbait alditan, baina Berak ihes egin zuen. Baina, Jerusalema nekaldia bizitzeko iritsi zenean, Berak irudikatu zuen Bere erregetza, erregetza desberdina, bestelakoa. Garaile baten moduan sartu beharrean, pertsona apal moduan sartu zen hirian, bizitzak berekin dituen porrotak bere gain hartzeko prest zegoela irudikatuz (*Is* 50, 4-7). Nekaldiaren kontakizuna entzun dugu (*Mt* 27, 11-54). Baina ez, ikuskizun batera etorri bagina bezala, baizik eta gu geu gertatu denaren parte hartzaile sentituz, **Jesusen sentipen sakonetan** barneratuz.

Filipoarrei egindako gutuneko kantikak, aste honetan ospatuko dugun pazko misterioaren muinera ekarri gaitu. Beherapen eta gorapen misterioa da. Bi alderdiak bizi behar ditugu Kristoren biziera berarekin. Beherapenaren alderdiak Jesusen bizi osoa laburbiltzen du, gizatasunean mailaz maila jaisten joan baitzen, hondoraino jatsiz.

Jainkoa zenez, bazuen Jesusek Jainko bezala bizitzeko era, baina gizaki bezala bizi nahi izan zuen. Adamek guztiz kontrakoa egin zuen, gizaki huts ez, Jainko bezalakoa izan nahi baitzuen. Baina Jesusek ez zen saiatu bizitza errazten duten hainbat abantaila bereganatzen, baizik eta besteak bezala biziz zerbitzari, morroi jarrera hartu zuen. Gizarteko mailarik baxuenean biziz. Eskubiderik ez dutenen artean. **Eskubideei uko** egin ziela esan dezakegu, eskubiderik ez dutenak defendatzeko.

Gizatasunaren hondoa heriotzan jotzen du gizakiak. Esaneko izanez onartu zuen Jesusek heriotza, honela aurkitu baitzuen heriotzaren menpean dagoen gizakiarekin erabat bat egiteko modua. **Heriotza zitala** bizi izan zuen gainera, esklaboena, bekatari baztertuen heriotza gurutzean biziz. Gure bekatuak Bere gain hartu zituen.

Eta hainbeste beheratu zenean goratu zun Jainkoak. Dударik gabe, piztuera eta igokundea beherapen osoaren ondorio dira. Jainkoa da

egoera hankaz gora jarri eta Jesus Aitaren Seme maitea dela agertzen duena; askok bekatarizat ikusi bazuten ere. Jainkoak bere izena eman zion, bere izatea, bere jainkotasuna. Gizadia Jainkoaren bizitzan txertatua izan da. Jesus Jainko bezala gurtua da, zeru-lurren Jaun aitortua. Erramu Igandeak Jesusen garaipena aurreratzen digu nolabait, beheratua eta eskutik utzia ikusten dugunean adoregabe gera ez gaitezen. Badakigu beheratze hori dela, hain zuzen, betiko garaipenera daramana. Ospa dezagun Eukaristia, heriotza eta gorrotoaren indarrak garaitu dituen Jesusen eskaintza.

Jainkoaren herriaren otoitza

Senideok: gurutzean Aitari otoitz egin zion Jesus Salbatzaileari eska diezaiogun gure alde eta gizaki guztien alde:

Erantzuna: Kyrie, eleison!



Ky-ri-e, Ky-ri-e, e - lei-son! Ky-ri-e, Ky -ri-e, e - lei - son!

- Gurutzean bere erasotzaileen alde otoitz egin zuen Jaunak, izan dezala erruki bekatu egin dutenentzat, eta adiskidetzearen bidetik eman diezaiela barkamena eta bakea. Egigun otoitz.
- Jesusen eskaintza izan dadila lagungarri ezjakintasunak, gogorik ezak, gaiztakeriak edota tentaldi orok Jainkoagandik urrundu dituenentzat. Egigun otoitz.
- Gurutzean bakardaderen tristura eta garratzasuna nozitu zituen Jaunak izan dezala kupida gaixoekin, atsekabetuekin eta zapalduekin, eta gure bihotzak ere horiei begira jar ditzan. Egigun otoitz.

—Lapur ona paradisuari hartu zuen Jaunak, eman diezagula guri ere bihotz-berritzeko gogoia eta har gaitzala egun batean bere bakezko erreinuan. Egigun otoitz.

—Garizumako bidean aurrera eginez bihotz-berrituak eta argituak iris gaitezen gertu ditugun Pazko jaietara. Egigun otoitz. R/.

Jainko ahalguztidun betierekoa, zeure Semea mundura bidali zenuen, bere nekaldiaz bekatua eta heriotza suntsitu eta bere piztueraz bizitza eta zoriontasuna guri eskuratzeko; entzun zeure herri honen otoitzak, eta egizu goza ditzagula Jesu Kristoren gurutze aintzatsuaren fruituak. Errege bizi baita gizaldi eta gizaldietan.

Eskaingaiak aldarera ekartzean

Diru-bilketa Elizbarrutiko Caritasen beharretarako izango da .

Prefazioa

Erramu igandekoa, Meza-liburuan 219. or.

Jaunartze-ondorengo otoitza

**Zure misterio santuaz indarberriturik otoizka gaituzu, Jauna:
zure Semearen heriotzari esker,
sinesten dugun bizi betea itzarotea eman diguzun bezala,
emaguzu, haren piztueraz, bizi hori eskuratzea.
Errege bizi baita gizaldi eta gizaldietan.**

Bukaerako oharra

Bagoaz Jesusen eskutik. Aukera ugari izango dugu aste honetan Kristoren heriotza eta piztuera gertaberritzeko. Ahalegin berezia egin behar genuke guztiok larunbat santu gauean Kristoren Piztuera ospatzera biltzeko. Hori da, dudarik gabe, urteko elizkizun nagusia.

Herriaren gaineko otoitza eta bedeinkapena

Jauna zuekin. R/. Eta zure espirituarekin.

Makur zaitetze, Jaunaren bedeinkapena hartzeko.

(Eskuak herriaren gain zabalik bedeinkapena esango du:)

**Begira, Jauna, zeure familia honi,
honengatik nahi izan baitzuen Jesu Kristo gure Jaunak
bere bizia gaizkileen eskuetan utzi
eta gurutzeko heriotza hartu.**

Errege bizi baita gizaldi eta gizaldietan. R/. Amen.

Bedeinka zaitzate! Jainko ahalguztidunak:

Aitak, eta Semeak, + eta Espiritu Santuak. R/. Amen.

Zoazte Jaunaren bakean. R/. Eskerrak Jainkoari.